

გამოცემის, 54-ე წელი, (№ 1499). პაიტი. 1977. ჟანი 20 კვიკი.



556. მ. აბაშვილი

— სომ გითხარი, ღვიცვალღოთ ღა ჩვენი ქარხნის გადაწყვეტილღვაც გავღვან-მეტიქი!

მოქალაქის სკოლა

წყალი ჩვენი არსობისა...


სასარმბაში ასე რომ დაეწერათ, კლბათ უფრო სწორი იქნებოდა. იმიტომ, რომ უპუროდ ადამიანი ორმოც დღემდე სძლებს, უწყლოდ კი, რა მოგახსენოთ, სამ დღეში, სამ წელს თოკზე გაკიდულ ტარანასავით გამოიფიტება. ამიტომაცაა რომ, დასავლეთ სამყაროში, ყბადაღებული სენსაციის მოყვარულნი უჭმელობაში „რეკორდებს“ ამყარებენ, მაგრამ უსმელობაში „სპორტულ მიღწევებზე“ არც ისე ბევრნი გამოთქვამენ სურვილს...

რედაქციაში დღე არ გავა, რომ გულისწყრომით სავსე წერილი არ შემოვიდეს — (წყლით სავსე მაინც იყოს...) — „წყალი არა გვაქვს“, „ნიანგო, გვიშველე, უწყლობით ვიხრჩობით“, „უფრო ბევრს გეტყვით ჩვენს გაჭირვებაზე, მაგრამ პირი უწყლობით გვიშრება“ და ვინ მოთვლის რამდენი ისეთი წერილი, რომ ცრემლის ნაცვლად სულ კურცხალ-კურცხალ წყალს გადენინებს კაცს!

მოგვხსენებთ, ნიანგი წყლის დიდად მოყვარული ბრძანდება და ამიტომ ამ ნიაღვრად მოვარდნილ წერილებს გულგრილად ვერ აუცურდება გვერდით. ამჯერად თბილისიდან მოსულ წერილებზე გვინდა ვისაუბროთ (რადგან მთელი რესპუბლიკიდან მოსულ წერილებს ერთ სტატიაში კი არა, თბილისის ზღვაში ვერ ჩაატყვით...)

დავიწყით იქიდან, რომ თბილისში დღე-ღამეში 950 400 კუბური მეტრი წყალი შემოდის (ეს საკავშირო რეკორდია!) და 950 400 კუბური მეტრი წყალივე იხარჯება. ერთი წვეთიც არ რჩება! დაიხარჯოს, ბატონო, ღმერთმა შეგარგოთ, სვით, გული გაიგრილეთ, გახსურებულ შუბლზე შეისხით (თუ გნებავთ, ლანძღვა-გინების წუმპის მაგიერ ნატახტარის ანკარა წყლით გაწუწუთ ერთმანეთი...) ასეთ მოხმარებას რაღაც მიზანი აქვს. მაგრამ საქმე უმიზნო დანაკარგშია. მერედა, იცით, ძვირფასო თბილისელებო, რამდენია ეს დანაკარგი? 15%. ეს კი 142 560 კუბური მეტრი ფუჭად დაღვრილი წყალია ერთ დღეღამეში! ერთი კუბური მეტრი კი 1000 ლიტრია! ჰოი, ციფრთა ყოვლისშემძლეობა! ყველაფერი ნათელი და კონკრეტულია. მხოლოდ ერთი რამ არ არის ნათელი — სად მიდის ეს უმიზნო, დაუზოგავად, დაუდევრად, უანგარიშოდ, უყაირათოდ და უთაბაუთოდ დაღვრილი წყალი?... ნათელი არ არისო? როგორ გეკადრებათ! წყაროსავით ანკარა და ნათელია: შებრძანდით სადაც გინდათ, რომელ წარმოება-დაწესებულებაშიც გენებოთ, ფაბრიკა-ქარხანაში, სამინისტროებში, კომუნალურ თუ კოოპერატიულ ბინებში, კულტურულ დაწესებულებებში... და ნახეთ რა უკულტუროდ იღვრება წყალი. 95... ან თუნდაც 97% ყველა სანტექნიკური მოწყობილობებისა მოშლილია და მიჩხრიალებს წყალი თავის გზით... უფრო სწორად უგზოდ! ერთი ასანთის ღერის სისქეზე უფრო წვრილადაც რომ მოწანწვარებდეს, დღე-ღამეში 1000 ლიტრი წყალი იღვრება. როცა თითის სისქეზე და თანაც დაწნევივით (ნაპორით) მოჩხრიალებს მაშინ? ეჰ, ვინ იცის რამდენ შადრევანს ეყოფოდა... (ახლა ვილაცა იტყვიან: შადრევანი, თორემ თბილისში მათი შხუილისაგან ყურთასმენაა წაღებულიო...) კი, ბატონო, შადრევანი კი არა, ვაჟა-ფშაველას, პავლოვის პროსპექტებზე გური რომ მიგდითოდეს ერთ წყლის სოკოს ვერ იპოვით, რომ სული მოითქვათ... სიტყვა გაგვიგრძელდა, ჰოდა. იღვრება წყალი, მე თქვენ გეტყვით და ვინმეს გული შესტკივა, ან ზრუნავს ამისათვის!? თუნდაც ძალიან შესტკიოდეს, მერე რა? მთელი თბილისი რომ მოიაროთ ერთ წესიერ ონკანს ვერ იშოვით. თუ იშოვით, დაყენება და წყლის გაშვება ერთია. ნახეთ? მერე გადაავლეთ გონების თვალი ეზოებში გარეცხილ მანქანებს, (რაო? რამდენი მანქანაა თბილისში? ძალიან ბევრი!), ტექნიკური წყლით კი არა, სასმელით მორწყულ ბაღა-ბაღებს... ამას ისიც დაუმატეთ, რამდენი ასხამს წყალს შაქრიან თუ უშაქრო ღვინოს! აბაა! ახლა შებრძანდით და ლაღიძის წყლებს ერთად-ერთ მალაზიაში გაიგრილეთ გული! (რუსთაველის პროსპექტზე...)

სხვათაშორის, თბილისში ერთ სულ მოსახლეზე დღე-ღამეში 570 ლიტრი წყალი მოდის, — ესეც საკავშირო რეკორდია! — ჰოდა, ისღა დაგვრჩენია, იქით შეგვხვეწით, — „ნიანგი“ წყლის დიდად მოყვარული ბრძანდება და ნუ დაგვახრჩობთ უწყლობით!



— რამ შევაშინა, ვე ყარადი კი არა, ჩვენი სახლმმართველობის სანტექნიკოსია!



ყავადა ერთი მეზობარი

ამბასს გეტყვით, მოუსმინეთ გულს, წიგნივით გადაშლილს: ერთი ჩუმი კაცი ვიყავ, ვმუშაობდი სტამბაში.

მყავდა ერთი მეგობარი, როგორც პორთოსს — ათოსი, სხვის წიგნებზე ილაშქრებდა კრიტიკული პათოსით!..

ერთხელ გზაში დამეტაკა, როგორც ბატკანს — ავაზა, უცნაური გარიგება უცებ შემომთავაზა:

მოვთხარეთ ერთი წიგნი შორეული ძმაცაცის, ჩემი გვარით რომ დავბეჭდო, ტყავს გვრევე გამაცლის!..

მოვაწეროთ შენი გვარი, ხომ არ გიცნობს არავინ? წასართმევი რამე არ გაქვს, არცრა — მოსაპარავი!

გავიფიქრე: დავთანხმდები, რა მოხდება ასეთი? სანაცვლოდ კი ქვეყანაზე გამოვიჩინებ გაზეთით!..

ასეც ვქენი, მაგრამ თქვენს მტერს, დღე მყარა ავტორმა: სტამბის კარი დამავიწყა უმუშევრად დამტოვა!..

მეც გავბრაზდი: სხვა რითა მჯობს, სხვების არ ვარ მე ტოლი?! და კრიტიკულ აზროვნებას ვიწყებ ამ ფელეტონით.

„ვეფხისტყაოსნის“ პილავ ერთი ტაეპის ნაპითხვისათვის

(კონიექტურა)

ქვაბში, გაცნობისას, ავთანდი-
ლი ეუბნება ტარიელს:

„მე ვარ არაბი, არაბეთს არს ჩე-
მი დარბაზები!“

ეუბნება-მეთქი, გითხარით! მე-
რედა, ეუბნება კი? უფრო სწო-
რად, ასე ეუბნება? აი, რას ეძღვ-
ნება ჩემი მორიგი გამოკვლევა.

საქმე ის განლაგეთ, რომ ავთან-
დილი ტარიელს სულ სხვა რამეს
ეუბნება. გთავაზობთ ამ ტაეპის
ახლებურ, ჩემივთხვას:

„მე ვარ პარაბი, პარაბებს
გვაქვს ვრცელი დარბაზები!“

ვასაგებია, პატივცემულო ოპო-
ნენტო. პარაბი ორი რუსული
სიტყვისაგან შედგენილი აბრევია-
ტურაა, მაგრამ პოეტისთვის, „რუ-
სნი, სპარსნი, მოფრანგნი“ რომ
წერს, ჩანს, არც სიტყვა „პარა-
ბი“ უნდა ყოფილიყო უცხო.

თუ არა პარაბის, მაშ, ვისი
ხელმძღვანელობით უნდა აშენე-
ბულიყო რუსთაგელის ეპოქაში
ეს ამოდენა ტაძრები, სასახლეები,
ხიდები, წყალსადენები! ყველა-
ფერს რომ თავი დაეანებოთ, ვარ-
ძის მშენებლობას არ სჭირდებო-
და პარაბი? ხურო, ქვითხურო,
ჩირითხურო, ხუროთმოძღვარი, და,
რა თქმა უნდა, პარაბი!

რამდენმა ტაძარმა გერ მოაღწია
ჩვენამდე! რამდენი სასახლე დაინ-
გრა დროზე ადრე! ჰოდა, რა გინ-
დათ ახლა, ყველაფერი იმ დეგე-
ნერატ მურვან ყრუს და შაჰ-აბასს
დავაბრალეთ? არ ურჩევია, ვითომ,
ამაში, იმდროინდელი მშენებლე-
ბის, კერძოდ, პარაბების ხელი?

ახალ ბინაში რომ გადახვალთ
(ისე, ჯობდა, შეგეკავებინათ თავი),
და ლოჯიაში პარკეტი გაქვთ დასა-
გები, ვის მოაქვს თქვენთან საჭი-
რო მასალა? — ცხადია, პარაბს.
წესიერი სარდაფი რომ გინდათ
შეგხვდეთ, ვის მიადგებით ფულით
ხელში? — რა თქმა უნდა პარ-
აბს, ჰოდა, ვის მოაქლდა ეს მასა-
ლა, შენ რომ გაძლიერე? — ეჭვი
არაა, შენს ახალ სახლს. აი, რატომ
იშლება და ინგრევა იგი დროზე
ადრე. ასე ინგრეოდა პარაბების
მიზეზით ძველი ტაძრებისა და სა-

სახლეების უმრავლესობა, რასაც
ზოგიერთი უბირი მკითხველი კო-
ჭლაბუნა თემურს და ალა-მაჰმად-
ხანს აბრალებს! ინგრეოდა, სამა-
გიეროდ შენდებოდა თვითონ პარ-
აბის დარბაზი და ეზო კარი. აი,
ეს მომენტია ნაგულისხმევი ავთან-
დილის ფრაზაში:

„მე ვარ პარაბი, პარაბებს
გვაქვს ვრცელი დარბაზები!“

— ავთანდილი არ იყო პარაბი!
ავთანდილი იყო სპასპეტი! — აი,
რას წამოიძახებს პირველად ჰკვი-
ანი მკითხველი, დარწმუნებული
იმაში, რომ ეს პოლკოვნიკი კაცი
პარაბობაზე არ დათანხმდებოდა.
გეთანხმებით: ავთანდილი არ იყო
პარაბი, მაგრამ არც ვამტკიცებ
მე ამას. მე იმას ვამტკიცებ მართლ,
რომ ავთანდილმა, პარაბი ვარო,
თქვა.

რა გამოდის! ავთანდილს
ტყუილი უთქვამსო! — ახლა ამა-
ზე შემომედაგება მკითხველი.

ღიას! და, სხვათა შორის, პირ-
ველად არა! მამა უცხოუნდა, ჯერ
არავინ მოუტყუებია! არც ვაჭარი
გახლდათ ავთანდილი, მაგრამ ვა-
ჭარი ვარო, გამოაცხადა, ჩამოი-
ცვა ჩონახზე მწვანე სახელოები,
ჩადგა დახლში და მთელი დღე
დედერონის ბლუზები და მინი-
იუბკები ყიდა! გიცით ჩვენ, რისთ-
ვისაც სჭირდებოდა ეს ტყუილი,
ამიტომ ამაზე აღარ შეგჩერდებით.
ხოლო, პარაბი ვარო, ეს რაღაზე
მოიტყუა, ვერ გეტყვით. იქნებ
თავი მოიწონა, კარგი დარბაზები
მაქვსო, და ნათქვამისთვის რომ
მეტი დამაჯერებლობა მიეცა, პარ-
აბი ვარო, თქვა, — პარაბს
უფრო დაუჯერებენ დიდი და
ვრცელი დარბაზების ქონასო. მოკ-
ლედ, არ ვიცი, და საერთოდ კვლე-
ვა ამ მიმართულებით სულაც არ
მიმაჩნია დასრულებულად. საბო-
ლოოდ და დადგენილად ვთვლი
მართლ ზემოთ მოტანილი ტაეპის
ახლებურ წაკითხვას:

„მე ვარ პარაბი, პარაბებს
გვაქვს ვრცელი დარბაზები!“

ტია-ტია

საკვარტი
მესტვირული

- გეფიცებით მზესო,
- ასე იყო ესო: —
- მეცა ვნახე,
- მეცა ვნახე,
- მეცა ვნახე,
- მეცო.
- დღე მისდევდა დღესო,
- ფული ჰგავდა მზესო,
- მეცა ვჭამდი,
- მეცა ვჭამდი,
- მეცა ვჭამდი,
- მეცო.
- ერთ მშვენიერ დღესო
- ალმოგვარინესო, —
- მეც ჩამავლეს,
- მეც ჩამავლეს,
- მეც ჩამავლეს,
- მეცო.
- ჩვენს მოსამართლესო
- ქარი გაუდგესო,
- მე ცხრა მომცა,
- მე — თერთმეტი,
- მე — თორმეტი,
- მეცო.
- გეფიცებით მზესო,
- ასე იყო ესო:
- შენც გახსოვდეს,
- შენც გახსოვდეს,
- შენც გახსოვდეს,
- შენცო!

ზორის გუგუაზვილი
ონი, სოფ. მაყიეთი

უფასო
უფროსის
პრახი

ჯერ ფასი
არ
დაუკარგავს
აქა-იქ
„გვარიშვილობას“, —
ათასად
სიბრძნე
დაფასდა,
უფროსის
მდივნის
მდივნობაც,
მაგრამ
უფროსი
იმსხვერპლა
თვის
ენა-
წავარ-
დნილობამ,
და, განა,
მხოლოდ
უმცროსსა,
უფროსსაც
მართებს
ზრდილობა!

ილია აროსია



— ეს იმ ღორს გაუმარჯოს, ჯაგარს რომ მოგვამს და რძოს არ მოგვთხოვს!..

დი—ნა—მო!!!

პირველად გაგემ იყვირა: — დინამო! მას საამქროს უფროსი აპყვა: — დინამო! მერე ქვეოსტატის ტენორმა გააპო ჰაერი: — დინამო! — დინამო! — ვიკივლე მეც.

საწყობის ბოლოს ხმაშეწყობილად დავიქუხეთ: — დი-ნა-მო!!! აწი აღარაფერი გვიჭირს. საამქრო ერთ თვეს იმუშავებს რიტმულად. ქარხნის ეზოში დინამომანქანების დიდი პარტია გადმოტვირთეს.

გივი კონტრიძე



— რა მშვენიერია, საიდანა?
— ჩემი მშულე არქეოლოგია.

ვინაა დიდი

კაბინეტის მყუდროება სპეცტანსაკმელში გამოწყობილმა ახალგაზრდა კაცმა დაარღვია. მან რედაქტორს ფელეტონი გადასცა. რედაქტორმა დუდუნით დაიწყო კითხვა:

„...რედაქტორმა აათვალიერ-ჩაათვალიერა მოსული და ფელეტონს დახედა.

— მაშ, ქარხანა „სულძრავა“ უხარისხო სავარცხლებს უშვებს, არა? — მთქნარებ-მთქნარებით იკითხა რედაქტორმა.

— დიან!

— აღნიშნულ ფაქტს შემოწმება უნდა, გამოიარე ორი კვირის შემდეგ!

როგორც კი სპეცტანსაცმლიანმა კაბინეტის კარი ნაინურა, რედაქტორი ტელეფონს დასწვდა:

— ალო, ქარხანა „სულძრავა“? აღმასხან, რედაქციაში ფელეტონია შემოსული თქვენი ქარხნის უგეგმოზაზე! რაშია საქმე?!

— რაშია საქმე და, ქარხანა „გაიმეტე“ მასალას არ გვიგზავნის!

— მოკლედ, მიხედე საქმეს! — ურჩია რედაქტორმა. „სულძრავას“ დირექტორმა სასწრაფოდ აცნობა „გაიმეტეს“ უფროსს:

— რედაქციაში ჩვენზე ფელეტონია შესული, რომელიც თქვენი უგეგმოზითაა გამოწვეული... მიხედეთ საქმეს!..

— კომბინატი „თხარე“ დროულად არ მაწვდის კარიერიდან ალუმინს! ახლა რა ვქნა მე?! — „გაიმეტეს“ უფროსმა აიჩეჩა მხრები, მერე კომბინატ „თხარეს“ უდებეზა: „რედაქციაში ფელეტონია შესული „სულძრავასა“ და „გაიმეტეს“ უგეგმოზაზე, რომელიც „თხარეს“ უგეგმოზითაა გამოწვეული! მიხედეთ საქმეს!“

კომბინატ „თხარეს“ დირექციამ მაშინვე თანამშრომელთა საერთო კრება მოიწვია და განაცხადა:

— რედაქციაში ფელეტონია შესული, „სულძრავას“, „გაიმეტეს“ და „თხარეს“ თათხავენ... მივხედოთ საქმეს!..

— საქმეს როგორ მივხედოთ?! — აყვირა ინტრიგადე, — ნორმალური მუშაობისათვის ახალი ინსტრუმენტები ჩვენ არა გვაქვს!

— თავი შეიკავე, ინტრიგადე! — გადაუჩურჩულა მას ნეიტრალადე და ბებერაზე „ცეზო“ დააჭირა.

ინტრიგადემ ვერ შეიკავა თავი და კრება დემონსტრაციულად დატოვა...“

რედაქტორმა აათვალიერ-ჩაათვალიერა ფელეტონი და მოსულს მიმართა:

— ფინალი არ მომწონს! გაურკვეველია, სად შეიძლებოდა წასულიყო ინტრიგადე, ან ვინ არის იგი, როგორც პიროვნება?!.

— ინტრიგადე მე გახლავართ! — გაიღრია მოსულმა. რედაქტორმა ერთხელ კიდევ აათვალიერ-ჩაათვალიერა მოსული და ფელეტონს დახედა:

— მაშ, ქარხანა „სულძრავა“ უხარისხო სავარცხლებს უშვებს, არა? — იკითხა მთქნარებ-მთქნარებით.

— თქვენი ხმალი და ჩემი კისერი! — დახარა თავი მოსულმა.

— გაჩერდი, კაცო, ვის ჭირდება შენი გამხმარი კისერი?! აღნიშნულ ფაქტს კი შემოწმება უნდა! გამოიარე ორ კვირაში!

როგორც კი სპეცტანსაცმლიანმა კაბინეტის კარი მიინურა, რედაქტორი ტელეფონს დასწვდა:

— ალო, ქარხანა „სულძრავა“? აღმასხან, რედაქციაში თქვენზე ფელეტონია მოტანილი...“

ასან გოსევი

(ბულგარეთი)

შავად მშირალი

პირდაპირ და სახელდებით არ ვამქლავებ, ვინ არი, მაგრამ ქვეყნად ჯერაც ისევ გვხვდება შავად მშირალი. უკავია ხელში რაღაც მოთხუზნილი ქაღალდი და გაისამის მისი ეგზომ აბეზარი ლაღი:

— ქალაქი გვაქვს მახინჯი და ჭუჭყიანი ძალიან, მაგრამ ხალხი ეუბნება, ყური გვიგდე ძამია: — რამ დაგბადა ამდაგვარი უცნაური არსება, ეს ქალაქი მოკლე დროში ბაღნარს დაემსგავსება და ზღაპრული სილამაზე გაგაოცებს ნამდვილად, სკოლებსა და მღაზიებს ვერ დაითვლი ადვილად-ვიტრინებსაც მზის სხივები მოეველება ვარაყად, ვარდით ნაქარგ გამოხირობზე ისეირნებ ამაყად. მაგრამ იმ ტიპს მაინც ისევ ეჭვის ჭია იმონებს, გაქირით და სიჯიუტით წარსულ ამბებს იგონებს: მახსოვს, ბრინჯი შევიძინე, დიდი ხანი არც არი, ჰოდა, აი, შიგ აღმოჩნდა ჭუჭყის შავი მარცვალი. ხოლო ერთხელ ფუნთოშაში თავთავის ფხა ერია... და ჩემს თვალში მთელ ქვეყანას ახლა მუქი ფერი აქვს. შემთხვევითი არ არის, რომ პურს ხარისხი აკლია. კომბაინით გაღეწვა ხომ უდიდესი ნაკლია! სოფლად ვიყავ ზაფხულში და ვიტყვი, გახლავთ სიმართლე: რომ ცხოვრობენ უკეთესად, აქვთ გაზი და სინათლე. მაგრამ საქმეს თუ ჩავწვდებით, ვით წესი და რიგია, ყველაფერზე აუგი და საძრახისი იგია, რომ როდესაც წვიმა მოდის, გზებზე ჩნდება ტალახი, სიციხეში კი მტვრის ბულია და შემჭკნარი ბალახი... ვფიქრობ, თხრობის გაგრძელება აღარაა საჭირო. ეს მზე შავად მშირალისთვის უოდი არის საჩინო.

თარგმნა შ. ამირანაშვილმა



გურჯაანიდან გვატყობინებდნენ: ოქტომბრის ქუჩაზე, კეთილ-მოწყობილ ორსართულიან სახლში ცხოვრობს ექიმმაში ზოია კუსიანი — თუ ჯანმრთელობას უჩივით, მიბრძანდით და „იმკურნალეთო“. „ნინაგს“ არაფერი სჭირს სამკურნალო, ამიტომაც აღნიშნული წერილი ჯანმრთელობის დაცვის სამინისტროს გადაუგზავნა. სამინისტრომ შეისწავლა „მკურნალის“ ასავალ-დასავალ-შემოსავალი და პასუხი გამოგვიგზავნა: „...ზ. კუსიანი სასტიკად იქნა გაფრთხილებული და ჩამოერთვა ხელწერილი. თუ იგი კვლავ შემჩნეული იქნება ასეთ საქმეში მის მიმართ აღიძრება სისხლის სამართლის საქმე.“

აღნიშნულის შესახებ ჩვენს მიერ წერილობით ეცნობა გურჯაანის რაიონის პროკურორს.

იქნება ექიმმაშს სტაციონალური მკურნალობაც კი დასჭირდეს...

ზობის რაიონის ერთი სოფლის ერთ ავტონაწილებს მღაზიას სხვადასხვა სათადარიგო ნაწილებს სიძვირის გამო ვიკვლი უკიდიათ, — გვწერდა ავტომოყვარული. წერილი საქ. კ. ზობის რაიონის გადაეგზავნა საიდანაც პასუხი მივიღეთ: „...წერილში მოყვანილი ფაქტები წინასწარ მოკვლევით სინამდვილეს შეეფერება, რისთვისაც მასალები კანონით გათვალისწინებული ღონისძიებების გასატარებლად გადაეცა შინაგან საქმეთა რაიონულ განყოფილებას. საბოლოო შედეგებზე გეცნობებათ დამატებით“.

ავტომღაზიაში თუ ცეცხლფარეშები აღარ იქნებიან, ავტონაწილებს ცეცხლს რაღა წაუკიდებს...

შანი სინარულიმა

ნახ. ბ. ზირცხალაშვილი



უსიტყვოდ



ამერიკის ჯორჯიის შტატის ქალაქ დაუსონში გასა-
მართლებას უპირებენ ხუთ ზანგ ჭაბუქს, რომელთაც
სიკვდილით დასჯა ელით.
17-17 წლის ჯეიმს ჯექსონსა და რუზველტ უოტ-
სონს, 18-18 წლის ჯ. დ. დეივენპორტს და ჯონ ჯექ-
სონს, 21 წლის ენდერსონ უოტსონს სრულიად უსა-
ფუძელოდ აბრალებენ მკვლელობას.



თვალახვეული თემიდან მორიგი მსხვერპლი

მთავარი რედაქტორი ზურაბ გეგაზაშვილი სარედაქციო კოლეგია: ზ. ბოლქვაძე (მთ. რედ. მოადგილე), ზ. კაციაშვილი,
ჯ. ლომია, ზ. ლომია, ნ. მაღარონია (მხატვ. რედ.), ვ. ნიჟინაძე, ზ. სიხარულიძე (პ/მგ. მდივანი), ზ. შირცხალავა, ო. ვალიძე.
● ბავშვური რედაქტორი მ. კუხალაშვილი, ● საბავშვო და იუმორისტული „ნიანგი“. ● თბილისი, რუსთაველის პროსპექტი № 42,
● საქართველოს კბ ცვ-ის გამომცემლობა, ● გადაეცა ასაწყობად 6/IV-77 წ. ხელმოწერილია დასაბეჭდად 29/IV-77 წ. ქაღალდის ზომა 70x108 1/8
ფორმატი ნაბეჭდი ფურცელი 2. საარტიკულო-საგამომცემლო თაბახი 1.7 ● საქართველოს კბ ცვ-ის გამომცემლობის სტამბა, თბილისი, ლენინის
ქ. 14. ● შეკვ. 1218. უფ. 00685. ტირ. 141.000 ● Тбилиси, пр. Руставел № 42. Сатирико-юмористический журнал «Нiangи». ● Издательство
ЦК КП Грузии. ● Типография Издательства ЦК КП Грузии, Тбилиси, ул. Ленина № 14.
ტელეფონები: 99-76-69, 93-19-42, 93-10-78, 93-49-32. რედაქციაში შემოსული მასალები ავტორებს არ უბრუნდებათ.

ნახატი თემების ავტორე-
ბი: მ. აბაშიძე, ზ. დვინაძე,
თ. თურმანიძე, ზ. ლომია,
ლ. მაროშვილი, ზ. ტრი-
პუნიანი, ზ. ფიცხელაძე, მ.
ცოტაძე.

